

OMMAVIY OFERTA

(Shaxsiy ma'lumotlarni qayta ishlash siyosati)

1. Umumiy qoidalar

Shaxsiy ma'lumotlarni qayta ishlash bo'yicha ushbu siyosat O'zbekiston Respublikasining 2019-yil 2-iyuldagi "Shaxsga doir ma'lumotlar to'g'risida"gi O'RQ-547-sonli Qonuni (keyingi o'rinlarda - Qonun deb yuritiladi) talablariga muvofiq tuzilgan va "**International school of finance and technology**" MCHJ (keyingi o'rinlarda – "Operator") tomonidan amalga oshiriladigan shaxsiy ma'lumotlarni qayta ishlash tartibini va shaxsiy ma'lumotlar xavfsizligini ta'minlash choralarini belgilaydi.

1.1. Operator o'z faoliyatida Shaxsiy ma'lumotlarga ishlov berish va qayta ishlashda ushbu shaxslarning huquqlari va erkinliklariga putur yetkazmaslik, shu jumladan ularning shaxsiy va oilaviy sirlariga ega bo'lgan taqdirda ularni sir saqlanishiga rioya qilishi shart.

1.2. Operatorning shaxsiy ma'lumotlarni qayta ishlashga oid ushbu siyosati (keyingi o'rinlarda – Siyosat) Operator tomonidan <https://admission.isft.uz/registration> veb-saytiga tashrif buyuruvchilar, shuningdek Institut qabul komissiyasi va call-markaziga murojaat qiluvchilar haqida olinishi mumkin bo'lgan barcha ma'lumotlarga nisbatan qo'llaniladi.

2. Mazkur hujjatda ishlatiladigan asosiy tushunchalar

2.1. Shaxsiy ma'lumotlarni avtomatlashtirilgan tarzda qayta ishlash – shaxsiy ma'lumotlarni hisoblash texnikasi vositalari yordamida qayta ishlash.

2.2. Shaxsiy ma'lumotlarni blokirovka qilish – shaxsiy ma'lumotlarni qayta ishlashni vaqtincha to'xtatish (qayta ishlash shaxsiy ma'lumotlarni aniqlashtirish uchun zarur bo'lgan holatlardan tashqari).

2.3. Veb-sayt – grafik va axborot materiallari, shuningdek EHM va ma'lumotlar bazalari uchun dasturlar to'plami bo'lib, ularga Internet tarmog'idagi <https://admission.isft.uz/registration> manzili.

2.4. Shaxsiy ma'lumotlarning axborot tizimi – ma'lumotlar bazalarida mavjud bo'lgan shaxsiy ma'lumotlar to'plami va ularni axborot texnologiyalari va texnik vositalar yordamida qayta ishlashni ta'minlaydi.

2.5. Shaxsiy ma'lumotlarni egasizlantirish – qo'shimcha ma'lumotlardan foydalanmasdan shaxsiy ma'lumotlarning muayyan Foydalanuvchi yoki boshqa shaxsiy ma'lumotlar subyektiga tegishli ekanligini aniqlash imkonini bartaraf qiladigan harakatlar.

2.6. Shaxsiy ma'lumotlarni qayta ishlash – avtomatlashtirish vositalaridan foydalangan holda yoki bunday vositalardan foydalanmasdan shaxsiy ma'lumotlar bilan bajariladigan har qanday harakatlar (operatsiyalar) majmui, shu jumladan shaxsiy ma'lumotlarni yig'ish, yozib olish, tizimlashtirish, saqlash, aniqlashtirish (yangilash, o'zgartirish), foydalanish, uzatish (tarqatish, taqdim etish, kirish), egasizlantirish, blokirovka qilish, o'chirish, yo'q qilish.

2.7. Operator – shaxsiy ma'lumotlarni mustaqil ravishda yoki boshqa shaxslar bilan birgalikda qayta ishlashni tashkil qiluvchi va (yoki) amalga oshiruvchi, shuningdek shaxsiy

ma'lumotlarni qayta ishlash maqsadlarini, ularning tarkibini, shaxsiy ma'lumotlar bilan bajariladigan harakatlar (operatsiyalar)ni belgilovchi yuridik shaxs.

2.8. Shaxsiy ma'lumotlar – <https://admission.isft.uz/registration> veb-saytining foydalanuvchisiga, Institut qabul komissiyasi va call-markaziga murojaat qiluvchiga aloqador har qanday ma'lumot.

2.9. Foydalanuvchi – <https://admission.isft.uz/registration> veb-saytiga tashrif buyuruvchi barcha shaxslar, shuningdek Institut qabul komissiyasi va call-markaziga murojaat qiluvchi shaxs.

2.10. Shaxsiy ma'lumotlarni taqdim etish – shaxsiy ma'lumotlarni muayyan shaxsga yoki muayyan doiradagi shaxslarga oshkor qilishga qaratilgan harakatlar.

2.11. Shaxsiy ma'lumotlarni tarqatish – shaxsiy ma'lumotlarni noaniq doiradagi shaxslarga oshkor etishga (shaxsiy ma'lumotlarni uzatishga) yoki cheklanmagan doiradagi shaxslarni shaxsiy ma'lumotlar bilan tanishtirishga qaratilgan harakatlar, shu jumladan ommaviy axborot vositalarida shaxsiy ma'lumotlarni e'lon qilish, axborot va telekommunikatsiya tarmoqlarida joylashtirish yoki boshqa har qanday yo'l bilan ularni olish imkoniyatini berish;

2.12. Shaxsiy ma'lumotlarni yo'q qilish – shaxsiy ma'lumotlar axborot tizimida keyinchalik shaxsiy ma'lumotlar mazmunini tiklash imkoniyati bo'lmagan holda yo'q qiladigan har qanday harakatlar.

3. Operator Foydalanuvchining quyidagi shaxsiy ma'lumotlarini qayta ishlashi mumkin:

3.1. Foydalanuvchining pasport ma'lumotlari;

3.2. Tug'ilgan kuni va joyi;

3.3. Faoliyati, shuningdek mavjud diplom, sertifikat va attestatlari to'g'risida ma'lumotlar;

3.4. Oilaviy ahvoli;

3.5. Oila a'zolarining soni, ularning personal ma'lumotlari;

3.6. Elektron manzil;

3.7. Telefon raqamlari;

3.8. Foydalanuvchining UZBMB (DTM) Qabul imtihoni natijalari (agar mavjud bo'lsa);

3.9. Shuningdek, saytda internet xizmatlaridan (Yandex Metrica va Google Analytics va boshqalar) foydalangan holda tashrif buyuruvchilar to'g'risidagi egasizlantirilgan ma'lumotlar (shu jumladan "cooke" fayllar) to'planadi va qayta ishlanadi.

3.10. Yuqorida sanab o'tilgan ma'lumotlar Siyosatning keyingi matnida Shaxsiy ma'lumotlar tushunchasi sifatida umumlashtirilgan.

4. Shaxsiy ma'lumotlarni qayta ishlash maqsadlari

4.1. Foydalanuvchi shaxsiy ma'lumotlarini qayta ishlashning maqsadi – foydalanuvchi (Abituriyent)ni "International school of finance and technology" Institutiga o'qishga qabul qilish

maqsadida hujjatlarini qabul qilish hamda nomzodning Institutga kirishi bilan bog‘liq xizmatlar ko‘rsatish.

4.2. Operator foydalanuvchiga maxsus takliflar va turli tadbirlar to‘g‘risida xabarlarni yuborish huquqiga ega. Foydalanuvchi istalgan vaqtda shaxsan Operatorga bog‘lanib yoki qabul bo‘limiga tashrif buyurish orqali maxsus takliflar haqidagi xabarlardan voz kechishi mumkin.

4.3. Foydalanuvchilarning internet xizmatlari yordamida yig‘iladigan egasizlantirilgan ma‘lumotlari Foydalanuvchilarning saytdagi xatti-harakatlari to‘g‘risida ma‘lumot to‘plash, saytning sifati va uning mazmunini yaxshilash uchun xizmat qiladi.

5. Shaxsiy ma‘lumotlarni qayta ishlashning huquqiy asoslari

5.1. Operator Foydalanuvchining shaxsiy ma‘lumotlarini, faqat ular Foydalanuvchi tomonidan mustaqil ravishda <https://admission.isft.uz/registration> saytida, Institut qabul komissiyasi va call-markaziga murojaat qilib maxsus so‘rovnomalar/shakllar vositasida to‘ldirilganda va/yoki yuborilgandagina qayta ishlaydi. Foydalanuvchi tegishli so‘rovnomalarni/shakllarni to‘ldirish va/yoki Operatorga o‘z shaxsiy ma‘lumotlarini yuborish orqali ushbu Siyosatga o‘z roziligini bildiradi.

5.2. Operator Foydalanuvchi haqidagi egasizlantirilgan ma‘lumotlarni, agar Foydalanuvchi brauzerining sozlamalarida bunga ruxsat etilgan (“cookie” fayllarni saqlash va **JavaScript** texnologiyalaridan foydalanish yoqilgan) bo‘lsa qayta ishlaydi.

6. Shaxsiy ma‘lumotlarni to‘plash, saqlash, uzatish va boshqa turda qayta ishlash tartibi

Operator tomonidan qayta ishlanadigan shaxsiy ma‘lumotlarning himoyasi ushbu sohadagi qonun hujjatlari talablariga rioya qilish uchun zarur bo‘lgan huquqiy, tashkiliy va texnik chora-tadbirlarni amalga oshirish orqali ta‘minlanadi.

6.1. Operator shaxsiy ma‘lumotlarning saqlanishini ta‘minlaydi hamda vakolat berilmagan shaxslarning shaxsiy ma‘lumotlarga kirishini bartaraf qilish uchun barcha mumkin bo‘lgan choralarni ko‘radi.

6.2. Foydalanuvchining shaxsiy ma‘lumotlari uchinchi shaxslarga berilmaydi, amaldagi qonunlarni bajarish bilan bog‘liq hollar bundan mustasno.

6.3. Shaxsiy ma‘lumotlarda noaniqliklar aniqlanganda, Foydalanuvchi Operatorga istalgan rasmiy aloqa kanallari orqali «Shaxsiy ma‘lumotlarni yangilash» belgisiga ega xabarni yuborish orqali ularni mustaqil ravishda yangilashi mumkin.

6.4. Shaxsiy ma‘lumotlarni qayta ishlash muddati cheklanmagan. Foydalanuvchi istalgan vaqtda shaxsan Operatorga bog‘lanib yoki qabul bo‘limiga tashrif buyurish orqali, shaxsiy ma‘lumotlarining qayta ishlanishiga o‘z roziligini qaytarib olishi mumkin.

6.5. Operator shaxsiy ma‘lumotlarni qayta ishlashda ularning maxfiyligini ta‘minlaydi.

7. Olingan shaxsiy ma‘lumotlar bilan operator tomonidan amalga oshiriladigan harakatlar ro‘yxati

7.1. Operator shaxsiy ma'lumotlarni to'plash, yozish, tizimlashtirish, saqlash, aniqlashtirish (yangilash, o'zgartirish), olish, foydalanish, uzatish (taqdim etish, kirish), shaxssizlashtirish, bloklash, o'chirish va yo'q qilishni amalga oshiradi.

7.2. Operator abituriyent taqdim qilgan ma'lumotlarni yoki axborot-telekommunikatsiya tarmoqlari bo'yicha ma'lumotlarni olish va/yoki uzatish bilan shaxsiy ma'lumotlarni avtomatlashtirilgan tarzda qayta ishlashni amalga oshiradi.

8. Shaxsiy ma'lumotlarning maxfiyligi

8.1. Agar O'zbekiston Respublikasining normativ-huquqiy hujjatlarida boshqacha qoida nazarda tutilmagan bo'lsa, operator va shaxsiy ma'lumotlardan foydalanish imkoniyatiga ega bo'lgan boshqa shaxslar uchinchi shaxslarga oshkor etmasligi va shaxsiy ma'lumotlarni shaxsiy ma'lumotlar subyektiining roziligisiz tarqatmasligi shart.

9. Yakuniy qoidalar

9.1. Foydalanuvchi istalgan rasmiy aloqa kanallari orqali Operatorga murojaat qilib, o'z shaxsiy ma'lumotlarini qayta ishlashga aloqador barcha qiziqtiruvchi savollar bo'yicha kerakli izohlarni olishi mumkin.

9.2. Operatorning shaxsiy ma'lumotlar Operatori sifatidagi boshqa huquq va mas'uliyatlari shaxsiy ma'lumotlar to'g'risidagi mavjud O'zbekiston Respublikasi qonunchiligi bilan tartibga solinadi.

9.3. Operator istalgan vaqtda mavjud Shaxsiy ma'lumotlarni qayta ishlash Siyosatiga shaxsiy ma'lumotlar subyekti / Foydalanuvchi ruxsatisiz o'zgartirish kiritishi mumkin.

9.4. Ushbu hujjatda Operator tomonidan shaxsiy ma'lumotlarni qayta ishlash siyosatidagi har qanday o'zgarishlar aks ettiriladi. Siyosat yangi tartibi tasdiqlanmagunga qadar muddatsiz amal qiladi.

9.5. Siyosatning amaldagi versiyasi Internetda admission.isft.uz/registration manzilda unga erkin kirish imkoniyati berilgan holda joylashtirilgan.

OPERATOR / IJROCHI:

FOYDALANUVCHI / ABITURIYENT

«International school of finance and technology» MCHJ

**Yuridik manzili: Toshkent viloyati,
Qibray tumani Universitet ko'chasi, 7-uy.**

Aloqa uchun raqamlar: + 99855 506 17 17